

*Te Kura Kaupapa Māori
o Ngā Mokopuna
5.8 - He mea nui tērā te
manaaki tangata. Kia kite ngā
tamariki i te āhua o te
manaaki, i tōna kāinga, i te
kura, i te marae. Ā tōnā wā kia
tū rātou ki te āwhina i ngā
mahi manaaki.*



Wāhanga 4 - Wiki 8

Pānui - Rāmere 2 o Hakihea 2022

Mokopuna ki Tai

Ko Kupe te tangata, ko Kupe te tipua.
E kīa ana ko Mokopuna ki Tai ko Ngā Mokopuna ki Uta, ā,
Ko Ngā Mokopuna taku whakatamarahi ki te ūpoko o te Ika a
Maui-tikitiki-a-Taranga e!

Inā te rawe ki te kite atu i a koutou e whakamokopuna ana i te
whare o Te Rauparaha. Ko tēnei te mihi kau ki a koutou ngā pou
o tō tātou whare. E mihi ana ki a tātou kaihaka i tū. E mihi ana
ki ngā kaitautoko i whakapau werawera ki te hāpai i te kaupapa.
E mihi ana ki ngā whānau i tuku te aukaha ki a tātou puna
rangatira. Ahakoa ngā aupiki, ahakoa ngā au heke, ka whaia
tonu rā tātou i te ara ki tua e! Tēnei te tūohu, tēnei te tūpou,
tēnei ko a mātou mihi.

Ko te Aho Matua te Tāhuhu o toku whare,
Ko te reo me ōna tikanga ngā heke whakamau,
Ko te whānau me te whanaungatanga ngā pou,
Tīhei, mauri ora ki a tātou..



Ngā Mokopuna ki Uta

Ka tu ka niwha. Ka tu ka riri.

Tu te ihiihi, tu te wanawana a te kapa teina o Ngā Mokopuna ki Uta.

E hia ngā hāora, ngā rā, ngā wiki e whakapau kaha ana,
e whakapau ngao ana ki te ako i ngā waiata, i ngā ā-ringa,
i ngā nekeneke kia tutuki pai ai ngā mahi hakahaka
ki te karamatamata, ki te panekiretanga
o ngā maunga whakahī.

Inā te ātaahua o te tu ki te papa tu waewae
hai whakakanohi i tō tātau nei kura.
He ata koutou nō o mātua tīpuna.
E poho kererū ana tātau ki a koutou tamariki mā.

Me mihi ka tika ki ngā Kaiwhakaako e hāpai ana i ngā ākonga.
Ki ngā Kaimahi e ārahi ana i a tātau tamariki.
Otirā ki ngā mātua, ki ngā pakeke e tautoko ana i ngā mahi i mua, i muri
hoki.

‘Ehara taku toa i te toa takitahi. Engari he toa takitini.’



Hākinakina o te wiki

<u>Tihāte hākinakina</u> Size 2-16 \$20 + \$8.50 (ingoa - tuatahi, ingoa whānau, karekau rānei) <u>Hoodies Tamariki:</u> \$35 + \$8:50 (ingoa tuatahi, ingoa whānau rānei)	<u>Tarau poto (sublimated)</u> \$45 each <u>Hoodies Pakeke:</u> \$45 + \$8:50 (ingoa tuatahi, ingoa whānau, karekau rānei)	
---	--	---

Wahanga Whā - Ngā Rā Motuhake

Rātapu: 4 Hakihea (Tihema) Wānanga Aho Matua - Kura 10am-3pm (Mauria mai he hoa, he pereti kai)
Rāapa: 07 Rā Whakanui tamariki (He hui topa mā ngā whānau)- kaupapa
Rāpare: 08 He haerenga-ā-kura - H20 - Te Awakairangi
Rāmere: 09 o Hakihea: Rā whakamutunga o Wharekura
Rātapu: 11 Rāpare - 15 Hakihea - Wiki Hakinakina, Wharekura KKM Aho Matua, Taranaki
Rātū: 13 Hakihea - Ka mutu ngā tamariki
Rāapa-Rāpare: 14 -15 Hakihea - Rā Kaiako (whakarite ana mō 2023)

	Hōtaka Wahanga 4 - 2022					
	Āta pānui tēnei hōtaka ia wiki mehemea kua panoni ētahi o ngā whakaritenga!					
	<i>Rāhina</i>	<i>Rātū</i>	<i>Rāapa</i>	<i>Rāpare</i>	<i>Rāmere</i>	<i>Rāhoroi / Rātapu</i>
WIKI 7 28/11-2/12	He Mana Kuratahi ki Porirua	WCC: Kauhoe - 1-3pm	Mokorito (Wharekura) Hui ā-whānau 5.30pm	Mokorito (Wharekura)	Rā kaimahi	
WIKI 8 5/12-9/12		WCC: Kauhoe - 1-3pm	Rā Whakanui tamariki Whakahōnore mohutake 9.30 -	Rā Haerere-te-kura H2O - Puna Kauhoe 9.30 - 2pm	Rā whakamutunga o Wharekura	Wharekura - Wiki Hākinakina
WIKI 9 12/12-16/12		Rā Whakamutunga	Rā Kaiako/Kaimahi	Rā Kaiako/Kaimahi		
	Wharekura - Wiki Hākinakina					

2023 Te Wahanga Tuatahi

Rāhina - Rātū 30 - 31.1.2023: Ngā rā kaiako

Rā Tuatahi ki te kura - **Rāapa 01.02.2023**

5.45am: Ata hapara - Karakia - Pure

9.30am: Pohiri mō ngā tamariki hou, whānau hou

1pm: ka mutu te kura